



Sel Prestuhn
Dieter F Uchtdorf
Mwet in Kahsrh Ahk Luo ke
Prestuhnsi Se Met

Mwe Insewowo luhn Tempuhl

Nga kuh in srack esam ke pacl se ma ninac ac pahpah tuhmuhk uskuhtlac nuh ke Swiss Tempuhl suc tuhfhana oreklac, tempuhl se emet fin acn Europe, in orwaclah sie sucu ma pahtpaht. Nga tuh yac 16 ke pacl sac ac fuhsr emet sin tuhlihk ahkosr. Kuht tuhkweni sikuckmuhtuhnte ke loang ah in siliyucki fin facluh ke kuh luhn pristut, wi olwelah se ma kuht kuh in siliyucki ke ma pahtpaht. Nga tiac kuh in muhlkuhnlah pacl wolacna se inge.

Ke nga mukul fuhsr se nga fwefwelac kuhtuh ke kuht som tuhmallah mahsrol ke muhtuhnfacl sahyac in siliyucki oacna sie sucu. Nuh sihk oruh se oacna orekma luhn tempuhl ke som tuhpal fin facl inmahsrol in us mwe insewowo ne tok ma pahtpaht nuh sin mwet nuhkwewa fin facluh. Tempuhl luhn Alu luhn Jisus Kraist luhn Mwet Luhlahlfongi Lal ke Lwen-sahflah muhsahiyucklac na pwacye nuh sin mwet nuhkwewa facluh, tiacna sol muhtuhnfacl, facsin, kuh kainin kafucrmacn.

Tempuhl pa mwe loh se lah ma wo uh fah tiac muhnahslah. Prestuhn George Q. Cannon (1827–1901), Mwet in Kahsrh Se Met ke Prestuhnsi Se Met, tuh fahk ke sie pacl ah lah “Kais sie yot ke pwelucng suc akwucki nuh ke Tempuhl uh, ac Tempuhl nuh kwewa ma ahksahfyeyuhklac . . . ahkmuhnahsyelah kuh luhn Setuhn fin facluh, ac ahkfokokoye kuh luhn God ac muhtahl luhn God.”¹

Kais sie tempuhl ahkfokokoye mokleyuck luhn ma

suwohswohs fin facluh, mwe insewowo yohk emet, pwacye, tuhkuh nuh sin mwet suc som nuh ke tempuhl. Ke acn se inge kuht eis kahlwem ac mwe etwacack ac oruh olwelah ma, fin kuht ukwe, ac kahsrwe kuht in fahsr ke inkacnek luhn mwet tuhmal lutlut. In ahkfototoye, tempuhl uh luti kuht ke srihpac muhtahl luhn moullac kahsrh in kol kuht ke ma pwacye luhn mahno ac nguhn.

Kuht tiac som nuh ke tempuhl nuh sesr muhkwena, tuhsruhk. Kais sie pacl kuht utyak nuh ke lohm muhtahl inge, kuht wi orekma muhtahl, ac moullac nuh ke molwelah luhn tuhlihk nuh kwewa nuhtin God kuh in eis ke srihpen Iwacnah luhn Wen Sefanna nuhtin Pahpah. Orekma se inge muhtahl ac tiacna nuhkuh kac sifacna ac lwelah kuht suc moullac in mahno in wi orekma wolacna in luhmahlah mwet lahngo fin Finohl Saion.

Nuh sin mwet suc tiac kuh in wi nuh tempuhl ke kuhtwena srihpac, Nga kwacfwewos in oruh ma nuh kwewa kowos kuh in eis pwepuh in lwelah nuh ke tempuhl. Pwepuh in lwelah nuh ke tempuhl pa mwe akucl se luhn luhlahlfongi ac oaru lasr in kuhlwacnsapuh Leum. Pa inge mwe akucl ke luhngse lasr nuh sin Leum, oacna ke Jisus el luti, “Kuhtwena mwet suc lohng, ac liyacacng masap luhk, el luhngse nga: ac el suc luhngse nga Pahpah tuhmuhk fah luhngse pac el, Nga fah luhngse el, ac tuhfhah fahkyucyak nuh sel” (John 14:21).

Ke facluh tuhtahflah in kahtoi pacna ke lohm muh-tahl ahkmuhtahlyeyucklac nuh sin Leum, pa inge pruhe luhk tuh kuht fah oruh ip lasr in ahkfototoye inkuhsrao nuh facluh ke kuht sruok pwepuh in lwelah nuh ke tempuhl ac orekmakihn pwepuh se inge. Ke kuht oruh ohinge, ma suwohswohs uh fah yohyohkwelihk na tiac nuh ke moul lasr uh ac lohm sesr uh muhkwenah tuh-sruhktuh nuh ke acn sesr uh ac fin facluh kwewa.

MWE KAHSRUH

1. George Q. Cannon, in "The Logan Temple," *Millennial Star*, Nohfohmpuh 12, 1877, 743.

LUTI KE PWENG SE INGE

Inkaiyacn mwet uh lotwelah wo ac esamyac paht ke kom sang nuhnak an orekmakihn mwe kahsrub in liyeyuck likina in sruhmuhn muhkwenah (liye *Teaching, No Greater Call* [1999], 182). Ke pacl in lesin an, kom kuh in ahkkah-lwemye sie petsac ke tempuhl. Tukun kom riti pweng se inge, ahkuhtweyac lah efuh tempuhl uh yohk srihpac nuh sel Prestuhn Uchtdorf. Suli tuhlihk fuhsr ke sucu an in srolwacalah sie petsac ke sucu laltahl an e ke tempuhl.

Teaching, No Greater Call fahk, "Encourage those you teach to set one or more goals that can help them live the principle you have taught" (159). Nuhnkuh in riti pweng lal Prestuhn Uchtdorf ke sucu ac suli mepucr ke sucu an in suhmuhslah finsrak luhn kais sie ma ac fah kahsrweltahl in nwacsnwacs na eltahl in muh kuh in sruok pwepuh in lwelah nuh ke tempuhl.

MWET FUHSR

Sie Ngwetngwet ke Acn Fuhlwaclwack Sel Mindy Raye Holmes

Ke nga fuhsr uh oasr pacl wowo pucspucs suc nga kuh in oruh pacptaislac ke mwet misac ke San Diego California Temple. Nwe Nga kwac puhlakihn wo, tuh sie fahsr nga som kac inge tuh oan na sihk ke nuhnak luhk.

Nga yac 16, ac tuhlihk muhtwacn srihsrihk se wiyuck tuhfhahna sun yac 12 ac el som in oruh pacptaislac ke mwet misac ke pacl se met lal. Ke srihpac pacl se emet lal, kuht sulwacalah in tifoki ac fahsr raun tempuhl tukun kuht tari ac.

Acn in fahsr ke tempuhl ah oasr acn in tu inte luu ke sie siskac ah, oruh kuht fahlac nuh we. Ke srihpac San

Diego Tempuhl oasr siskacn inkacnek kahfofo soko, ke kom tu ke acn in tu inte inge, kom kuh na in ngweti nuh ten nuh ke inkacnek an.

Tutu fin acn fuhlwaclwack ke tempuhl ke lwen sac ah use ngwetngwet sasuc se nuh sihk ke ohiyac sasuc ke moul uh. Nga ngweti nuh ten liye facluh ke stosah kahsrubsr pihngihngihng inge, yen in moul wacrongrong, ac srol-suc afuhnlah sain ke inkacnek inge.

In pacl sac pa nuhnak se tume nuh sihk: "Kom ac tiac ke in wi ma ingacn; tiac pa srihpac moul uh." Pacl nuh kwewa nga lutiyuck kac lah srihpac moul uh pa in fohlohk in moul yurin Pahpah Lucng ac oruh in eklac oacna El. Nga etuh lah nga tiac enenuh ma luhn facluh in orwacalah srihpac sacn.

Nga forlah ac ngwet nuh ke tempuhl na kahto se, ac nga sruikihn etwacack ke wosasuc ac ma nuh kwewa ma utuckuh nuh sik uh. Nga etuh lah inmahsrulon ma okahrkahr ac sensen luhn facluh inge, nga konwacack acn fuhlwaclwack in tu kac.

Ke lwen sac ke tempuhl ah nga olwelah nuh sin Pahpah tuhmuhk Inkuhsrao lah nga ac tu siskac pacl nuh kwewa ac tiac ke acn luhn facluh. Ma nuh kwewa ma facluh oruh nuh sesr, kuht kuh in kuhtanglah ma inge ke kuht karihngihn wuhlweacng lasr kuht orwacalah ac tu ke acn muhtahl uh (liye D&C 87:8).

TUHLIHK

Oruh Facluh in Kahtoi Kuhtuh

Prestuhn Uchtdorf el fahk lah ke sie tempuhl muhsahiyuck uh, kuh luhn God fokoko liki met ac oruh facluh in Kahtoi kuhtuh. Srolwacalah petsac ten inge. Oasr kuhtuh mwe in sewowo kahto ma tempuhl sang nuh sin mwet uh. Ke kom moul in nwacsnwacs in som nuh ke tempuhl ke sie lwen uh, kais se in sewowo inge kuh in ma lom!

Acn se luhn luhngse ac ma kahto

Pacptais luhn mwet suc tiac pacptaislac ke eltahl moul ah

Pahyuck nuh tok ma pahtpaht

Tuhlihk uh siliyucki nuh sin pahpah ninac uh nuh tok ma pahtpaht

Sie acn in etwacalah ke Pahpah Lucng ac Jisus Kraist Moul nwacsnwacs, ac ahkostwen

© 2010 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kahs English: 6/09. Ahkkweyeyucklac ke lweng: 6/09. Lwenglah luhn *First Presidency Message, August 2010*. Kosraean. 09368 868



Luhlahlfongi • Sucu • Kuhlwacnsap

Ahkyohkye Luhlahlfongi ac Suwohswohs luhn Kais Sie

Lutlut ke sramsram se inge ac, fin ac fal sruhmuhn kac yurin tahmtahel kom muhtwacta yohroh an. Orekmakihn kihsen siyuck an in kahsrwe kom ahkfokokoye tahmtahel lom ac in oruh Rilif Sosaiti in ip yohk srihpac nuh ke moul lom an.

Ke Ma Suhmuhsrah uh: Isaiah 2:2–3; D&C 109:22–23; 110:8–10

Kunohkohn Lasr in Nwacsnwacs ke Ahkfuhlwacteyacn Tempuhl

Wuhlweacng kuht oruh ke akwuck kuht eis ke tempuhl uh orwacalah kuht in utyack nuh yurin God. Wuhlweacng inge ahkkweye kuht nuh ke kuhiyen kuh ac kahlwem lasr sifacna uh. Kuht oruh wuhlweacng in ahk-kahlwemye oaru lasr in muhsahe-lah tohkohsrahi an. Kuht pa mwet wuhlweacng ke kuht fihliyucklac ye muhtuhn God ke wuhlweacng an. Mwe insewowo nuh kwewa ma uliyuckme ma lasr ke luhlahlfongi lasr nuh ke wuhlweacng inge. . . .

“Meac muhtwacn ke Alu uh kuh in oruh in eis mwe insewowo in tempuhl uh?

“Sin mwet pahluh Lal, Leum El suli mwet suc soenna eis mwe insewowo in tempuhl uh in oruh ma nuh kwewa enenweyuck in eis ke mwe insewowo inge. El suli mwet suc eis tari mwe insewowo inge in fohlohk pacl nuh kwewa kuh in sulpac pwackihn pacl inge, in ahkyohkye etwacack ac lahl-mwetmwet laltahl ke plwacn ma pahtpaht Lal an.

“Lwelah kuht in nwacsnwacs in sruok sie pwepuh in lwelah nuh ke tempuhl. Lwelah kuht in som nuh ke tempuhl in siliyac sucu lasr nuh tok ma pahtpaht. Lwelah kuht in fohlohk nuh ke tempuhl ke pacl nuh kwewa kuht kuh an. Lwelah kuht in sang nuh sin mwet lasr suc misac tari akwuck luhn moul ma pahtpaht yurin God. Lwelah kuht in engan-kihn ahkkweyeyuck ke nguhn ac fwackyuck ma kuht eis ke kuht fahsri tempuhl uh lwen nuh kwewa uh. Lwelah kuht in luhlahlfongi ac oruh ac karihngihn wuhlweacng in tempuhl in eis mwe insewowo nuh kwewa ke Iwacalah sac.”¹

Silvia H. Allred, mwet in kahsrh se met ke prestuhnsi luhlahp luhn Rilif Sosaiti.

Ke Ma Mahtuh Lasr

Prestuhn Gordon B. Hinckley (1910–2008) el luti lah Rilif Sosaiti kapwack ke tahmtahel suc kena in alu ke tempuhl uh:

“Ke muhsahiyucklac luhn Tempuhl Kirkland ah muhtwacn uh pahng in ipsrihsrihkiyac ahluh lalos an in kuhlamihsiyucki nuh ke mwe ahkfwel ma orekma-kihnyuck nuh ke sinkacn tempuhl

an, ma ac sruok kahlwem luhn faht ac mahlwem ah ac srweyac kahlwem sacn in ahkkahtoye ngwetngwetwacn muhsah sacn.

“Ke pacl inge, eltahl suhkahsruhph ke mani tuhsruhktuh fokoko ke luhlahlfongi, mwet orekma uh sang kuh ac ma laltahl in muhsahe-lah lohm sin Leum. Muhtwacn uh orek mongo, ma wo emet eltahl kuh in oruh. Edward W. Tullidge el fahk ke muhtwacn tuhta ma luhn tempuhl, Joseph Smith, ke el liyactahl, fahk, ‘Koacl, tahmtahel, komtacl ahkolah pacl nuh kwewa Tahmtahel pa mwet se emet in oruh orekma wo. Mary el pa mwet se emet ke moulyak; ac tahmtahel uh ingena pa mwet emet in orekma in tempuhl an.” . . .

“Sulpacna fin acn Nauvoo, ke tempuhl sac tuh muhsahiyuck ah, muhtwacn ekahsr tuhkwani nuh sie in orek fohrohk luhn mwet orekma ah. Tuhkuh ke ohiyac inge pa mwet longoul selos tuhkwani ke Tuhs-tuh, 17 Mahs 1842, ke infuckihl se lucng ke lohm in kuhka luhn Mwet Pahluh ah.”² Na pa Rilif Sosaiti uh muhtwacwacack.

MWE KAHSRUH AN

1. Silvia H. Allred, “Holy Temples, Sacred Covenants,” *Liahona*, Nohfohmpuh 2008, 113, 114.
2. Gordon B. Hinckley, “Ambitious to Do Good,” *Ensign*, Mahs 1992, 2.

Meac Kuht Kuh In Oruh Uh?

1. Kahruf fuhkah nga kuh in sang in kahruf tahmtahel wiyuck uh in ahkolah in som wi nuh ke tempuhl?

2. Nga kuh in ahkkahlwemye srihkasrak luhn tahmtahel emet ah suc kihackuhnlah in eis mwe insewowo luhn tempuhl uh fuhkah?

3. Nga kuh in eis mwe insewowo luhn tempuhl uh fuhkah?

Nuh ke kughtuh pac mwe etuh, som nuh ke www.reliefsociety.lds.org.